



ADVERTISEMENT A LECTEUR PAR LE SEIGNEVR Federic de Vinciolo.

IE croy que tu n'ignores point (amy Lecteur) quel grand & pe-
nible labeur i'ay peu prendre à cy deuant depàindre & mettre
en lumiere, grande quantite d'excellens patrons d'ouurages
contenus en ce present liure, lesquels pour équitablement approprier la
chose, ont esté dediez à la Majesté de la Royne: Et toutesfois bien que
i'ay cōsommé vne longue espace de temps à l'inuention de cet œuure,
& à rechercher & subtiliser soigneusement tous les poin̄s de chacun por-
trait, si est-ce qu'estant deuément certioré de l'vtilité & profit que i'ay
apporté en ce faisant à plusieurs, qui par mesme moyé ont pris singulier
plaisir à imiter lestdits portraits: Il m'a semblé qu'encores ie n'auoy rien
fait, si d'abondant ie ne te faisois part d'vne autre nouuelle bande d'ou-
urages laquelle ie t'auoy promise des la premiere impression de ce liure.
A ceste cause, pour ne te manquer de promesse, & subuenir aux doléã-
ces de quelques Dames, qui se sont plaintes que ie m'estoy amusé à leur
depàindre du reseau assez beau à leur fantasie, i'ay bien voulu pour la
troisiesme fois inuenter & mettre deuant tes yeux, plusieurs nouveaux
& differens portrais de reseau de point côté, que i'ay cousus & attachez
à la fin de mes premieres figures comme tu pourras voir en les particu-
larisant, au dessous desquels pour plus grande & facile intelligences, &
te releuer de peine, i'ay mis le nōbre & la quantité des mailles que cha-
cun portrait peut auoir & contenir. Au demeurât ie t'asseure que ie ne
pense y auoir rien oublié de mon pouuoir, pour te les rendre & repre-
senter beaux & agréables à lœil. Te priant que s'il s'en trouue quel-
qu'un, qui ne soit peut-estre si beau que tu le desires, ne cōdamner pour
cela mon œuure, ni la bonne volonté que ie porte à la nation Frāçoise,
à laquelle ie prie Dieu estre en tout temps secourable.